

國子監志

國子監志卷七十六

藝文志十

應

制進冊

乾隆五十年

頌謹序

翁方綱

臣竊惟

聖人之舉事也。豈惟典制之一端而已。實惟

道德之全。

景運之隆。

集社之崇函彙交合兼綜條貫而

建中和之極焉臣嘗考周人之詩曰於論鼓鐘於樂辟

雍釋之者曰言在辟雍中者感於中和之至也
禮王制曰天子曰辟雍釋之者曰辟雍所以明
和天下謂於此學中習學道藝使天下之人皆
明達諧和也周官注載古逸詩曰有昭辟雍濟
濟鏘鏘此皆專以成教育材之術言之而棧樸
早麓皇矣諸篇始推本於壽考福祿篤慶錫光
之事行葦既醉諸篇乃推闡於祈考介景之義

至於魯頌思樂之篇始以永錫難老與采藻采
芣並稱然此特侯國之事又未究言其所以致
福之實也若夫箕子陳疇斂時五福是訓是行
厥義備矣而當時學校之中大昕鼓徵所以躬
親宣布天理民彝之則者載籍罕著焉欽惟

皇帝陛下紹

天闡繹法

祖勤民際

重熙累洽之盛宣

久道化成之光本

躬行實踐之經成

稽古右文之化皇哉爲奕乎諸福之集備德之撰百代
之憲章六經之精蘊會極歸極以萃於千載一
時之

昌期也是以惟

古稀之聖人單厚集釐懋

大衍之純嘏而適有

五福五代同堂之慶惟

明倫行健之聖人有百司庶士園橋觀聽之

教澤而適有引年燕譽三千耆考之譙惟

躬行錫極之聖人著五倫要道之訓至誠無息之教而

適有三老之

記千叟之

詩以及萬卷四部之藏事此皆不期而合不戒以孚百

嘉駢翕衆善徵實以集成

聖天子億萬無疆之茂祉況乎興器用幣之誠循名覈

實之規行慶施惠之典數

鴻藻以信景鑠被潤澤而大豐美是以祥雲應律春膏
澍濡普天喜氣周徧洋溢運古以來殫究盛儀
罕能躋茲矣詩疏謂太平德洽嘉瑞畢臻頌聲
乃作臣竊繹春官成均樂德樂語之義敬陳頌
詞九章其詞曰

帝道粹精法

天至誠

聖教式閔

聖祐式凝萬福來膺萬祥來并久照光明久道化成

大衍瑞增叶于

乾行乙奮其榮已祉其亨庶物由庚庶彙休徵以躋於

茂承以耀於

升恒律度量衡秩敘均平肅怙羣生綜貫六經昭揭日

星玉振金聲

一章

聖人集鑒作君作師建萬化之基彙乎

昌時

沛萬祐之宜萃於慶期五數純熙五福維祺五教繹思

五倫訓辭於樂典司於論在茲伊邈古于斯折

衷精微三雍考稽箋疏會歸

皇極敷施

錫時保之二章

禮經所記東膠上庠乾坤之策叶合圓方六律
七宿八閨九房二十四氣五色中黃旁注四海
其流湯湯

帝錫訓言名實典常

申命庀工規繩矩量度其陽陰率循

宮牆前太學之門後彝倫之堂虹橋星環璧池鏡光

恩波教澤。激激滂洋。峇峇

講殿屹乎中央。

帝座正臨。斗極輝煌。天經地維。煥乎文章。是大學之教。
至善所彰。萬國朝宗。滙北源長。合千聖之心。為
一人之慶。三章

二月上丁。夾鐘初奏。維春宣氣。百嘉鬯茂。
帝絜道光。秩禮時懋。魯壁金縢。

孔庭俎豆。

內頒彝器。祕文刻鏤。

體從周之志以副

饗侑。奠虞。編縣。光燭列宿。金鐘玉磬。雅吹間遶。侃侃

聞聞。一氣左右。

聖心合揆。穆乎來觀。

道德精神。一誠斯授。大樂鏗鉤。香升燎樯。郁郁慶雲。垂

蓋。蒼雷十鼓。琳瑯相映。篆籀古柏。古槐祥光拱

壽。雅頌之聲。洋溢宇宙。

四章

昔周人之制樂。掌成均於中環水。學典攸聞。未聞學記。載訓言之中。孰如

講義製自

躬親維昔周雅緝熙日新維昔易象健行日臻惟

聖合德本身徵民仁敬孝慈信

至德之純乾元亨利貞

至誠之神

躬行之實闡為

大文庶官庶士觀聽莘莘昔拈章句今乃識真相勉忠

孝淑性敦倫以副

聖訓以答

昌辰豈第觀光鼓徵大昕萬化同源一氣

洪鈞

五章

猗歟

慶典應期而啟煥乎

帝文彌介繁祉

五福之堂

奎章肇始

五福之記

崇禧綏履

五代同堂。五古所未紀。

錫福錫極。綜疇範之旨。堂構為

訓詞。好德為根柢。是以

全德致諸德之美。是以

全福致諸福之揆。普天騰歡。照景飲醴。

一人有慶。萬方燕喜。六章

仰惟

聖祖。叟宴幸崇惟

聖合德。篤

慶重逢。皤皤三千環拜。

宸楓上春六日。閭闔矍矍。萬象長春。和風沖融。五老之精。如華如崧。九老之瑞。如柏如松。國老庶老。以次相從。耆老耄老。以秩加隆。

帝賚優渥。霞蒸露濃。綺筵玉枕。瑤席金鐘。

宮錦

奎章稠疊。延洪輝煌。煥爛千襲。百重捧自。

慶霄。海嶠雲紅。嵩呼合祝。遊於。

喜氣之中。七章

日月中天

帝文煊載羣經四庫合成瑞霭

至治光華膏渥沾溉

緝熙之孚宅中醴粹

健行之運元亨嘉會圖書總秘川流萬派折衷於

聖人

心源所彙胥自

躬行函茹薈萃

祕閣攸溯淵源津逮適符於

慶辰歲成報最四部炳烺萬卷充備

道光協氣上合

天緯條理

集成溥暢乎無外八章

道洽普天

上儀邁乎簡編元日

恩頌春和電宣氣決人寰祐徧山川澤飫班聯潤沛黎

元哀對式虔第祿式延瓊宴聯翩來集豆遵

錫慶逾蕃

錫瑞逾駢祥風四扇符叶台躔珠瑩露溥玉蔭芝田年

豐日暄海澄鏡圓

介祉益繁八表同歡暢垓源埏於億萬年

九章

詩謹序

紀昀

臣聞天苞地符道源一貫皇春帝夏政典異文
虞巡五玉制殊乎周官殷宗九州名別乎禹貢
正朔服色迭更於子姒以來封建井田難舉於
嬴劉以後是則然矣然不沿不襲去故所以取
新或革或因永世在於師古損益百代精探述

作之旨。經緯萬端。曲盡神明之用。秉持聖矩。提挈乾紐。正名侔乎黃帝。定禮協乎

素王。經世上猷。又非可以管蠡求也。欽惟我

皇上璣衡在握。儀璘恒照。虞典慎省。勅

天著乎舜歌。周錄延長。率

祖念乎邈俗。建極錫福。惟馨香之感神。無逸永年。信康強之逢吉。茲斯蕃衍。

五世驗其貞符。鹿鳴燕樂。千叟應夫壽曜。靈臺偃伯。武德備而修文。康衢聞謠。養道浹而興教。粵稽太

學建自有元相沿園水之名未具旋邱之象貞
元再合儲待

重熙之朝禮樂百年慶逢

首出之

聖爰考古義趣建崇基方儀內函圓折外梵火珠竦峙
石梁交達宛游靈沼之側重觀鎬京之制蓋質
文異尚者矩矱恪秉乎

高

曾今古一揆者符節遙合乎先後聰聽

彝訓舊章不愆。儀監前規。闕典則補。貞珉矗立而螭盤。
寶書深錫而鸞翥。

睿慮遠。

聖謨彰矣。豈但三老五更。釐曲臺之駸文。刊虎觀之謬。
論哉。冬官歲事。適圖周大衍之數。春祀升香。用。
儀備上丁之薦。典本歲修禮崇。

親舉麟書景乎沖漠。龍蹲接乎肝鬯。藉以告新宮之成。
昭聖教之昌也。於是

臨橋門。

登講幄。九官鹄立。三舍鳧趨。瓊几敷陳。

玉音闡演。發

孔曾之微言。扶羲文之奧理。莫不竦聽肅穆。默悟愉
怡。斯時也。

法駕方蒞。瑞雲交霏。五出應節。當土膏之至動。三農愜
願。際麥穎之奮茁。豈非歡心溥洽。祥徵立致。以
豐歲之兆。慶大禮之成哉。臣忝備月卿。獲登雲
陛。司儀侍玉俎之側。聽

講蹕

黼辰之右。葵藿小草。向陽有願。禽蟲微質。應候自鳴。不勝踴躍歡忭之至。謹拜手稽首獻五言詩八章。

用昭

聖朝文治。為古所未有。其詞曰。

鳴鳥聞崇岡。菁莪育中沚。靈囿昔肇建。璧沼亦經始。雲漢歌作人。卷阿賦多士。西京化云盛。東轍風漸靡。叢議泝卯金。歧論逮天水。黃圖渺前基。青史曠遺軌。興文待

昌期。稽古資上理。五緯珠躔明。三雍雲構起。

聖皇握玉券

洪算繇瑤圖

五葉席景運

六御提神樞

軒夔武義炳

舜羽文德敷

釀化周鼇極首善從鴻都四門集俊乂六藝陶師儒圓

橋緬舊記壅水懷前模萬化夙修舉一事猶

勤劬經營補所闕名實蘄其符

二章

太史撰日吉將作鳩工良分寸度繩墨法象規
圓方九宮準奇偶八牖宣陰陽雲雨軼太半金
碧輝中央一鑑匝瑤甃四阿交虹梁淵渟蓄珠
水井養資銀牀經營羣力集區畫

睿慮詳粲然禮制備煥乎文治光

三章

龍畫耀雲章鼇碑鏤樂石上軼岐陽鼓下掩蘭亭迹
金鏡明法戒

玉衡絜今昔興賢振虞業泥古斥縫掖五更義兼訂三
老疑再析鄭孔誤當刊班蔡謬皆闢仰讀悟政

範俯繹知學的。弦誦識勿忘。貫佩期無數。四章

儒珍樂普育

聖域溯至精。鼓鐘續周雅。俎豆升

孔庭。二月榮緋桃。七葉抽翠棠。精裡春卜吉。上儀

親告成。肇修豐水典。式慰

尼山靈。河圖酬宿望。木鐸宣遺聲。

神喜金石和

德孚泰稷馨。羹牆接千載。突與證六經。五章

靈鼂警衆集。華鯨傳

蹕來穆穆

天光臨肅肅

經帷開駢聯芳茵布次第華纓陪敷陳披聖籍

宣示聆

睿裁天樞運萬古人紀摛三才

體健勵無息敦倫期允諧

康強勤典學

壽考樂育材敷言惟

皇極泳化昏春臺

六章

至治感休徵太平召協氣

蒼緯叶神符黃輿證靈契側聽玉案

講慶觀瓊宴至合寸凝蕭雲盈尺兆岐穗頌奏屢豐期
雅當於樂際緊豈多稼祥實表

觀文瑞感應一氣通申錫諸福備愉愉歌詠音炳炳天

人義

七章

化成聲教遠

道久禮樂興

七旬勵宵旰百度挈準繩福惟萬億積治乃三五登樛

材蓬嘉會

天語欣欽承仰睇

紫殿高俯視翠潏澄圓規擬璧合溫溜方川增矢音
依陞楯稽首瞻觚棧無由裨海嶽惟祝齊升恒
八章

賦三之一

彭元瑞

辟雍天子之學也自放勳以上未之前聞虞有
西膠之庠夏有兩序之造殷有瞽宗之文亦越
周穆考園辟雍以靈沼武王考卜自豐宅鎬備

四學之制。以為有天下之號。王制云。天子曰辟雍。諸侯曰類宮。如樂之宮懸軒懸。圭之前詘後直。其示別蓋可從焉。後儒之說紛紜競起。取義則辟者明而雍者和。象形則辟壁圓而雍壅水。九室十二室。四窗八窗。太廟清廟。世室明堂。名異地同。大射大饗大祀行其中。以神道之清靜。天子之尊崇。混神人而無異宮。毋乃迂且侗乎。我

國家德教熙洽。文治駿鴻。

皇帝以上聖之資

身為之律

道積厥躬

詩超雅頌

文軼典誥萃四庫以右文廣諸科以烝髦蔭黃瓦於華

棖榮綠槐之嘉陰

頌周範之十器瞻車服於

孔林立學崑濛建廟興桓靡不崇飭修舉豈首善之
地而辟雍顧自元中統以來五百年闕焉未完

也。通。

命禮官俾相度。

召司空庀將作伐石穹嵒。榱材巨壑。任椳栳以梁棟。區
椅桐以采栢。施以斧藻。彰以丹雘。圓蓋穹聳。象
天行也。鱗渠之而環重瀛也。瓊陛對出。四門闢
也。蜃牖洞敞。四目明也。井可用汲。左右逢原也。
風行其上。觀水觀其濶也。

帝位乎中。

聖杏壇也。

奎文黼扆

聖人之言也。翼以六堂士誦弦也。其北則高宇豁開連

楹八柱。席間函丈。講肄所聚。

璇榜揭日。

福疇攸敘。其南則寶坊翹瞻。屹峙若闕。教澤以圓。學海以節。植豐碑之隆隆。陰層亭之業業。維皇極之敷訓。紀肇造之歲月。實主名賓。循塗守轍。勛爾多士。進德修業。大哉。

聖人備德位時。治觀成而勿亟。事有待而非遲。復古者

盛泥古者蚩。推而言之。如井田不可以治地。封建不可以司牧。三年里邇不可以得士。五品不邇不可以善俗。決不可治水。車不可教戰。泉府不可易園。而刀賦稅不可易粟。而絹矧我

朝大經大法

祖述憲章。將萬萬年守之而不愆。不忘者哉。經營不日。迺二月上丁。舉釋奠之儀。以落其成。萬仞宮牆。六拜殿墀。奠爵薦幣。屬屬祗祗。合

先聖之一揆。雖

天子必有師

德馨誠感神之格思禮既成乃

臨辟雍

王者視學自北門入

天度穆清如雲如日升者鵷翔仰者鵠立班者鴻漸聽

者麋集黌席之老百五橋門之士三千命公圭

搢博士襪聯四氏五子東野西姬演疇舊封暨

高句驪靡不拭目傾耳虔悚以儀儒宰陳書祭

酒執經捧撮土以附嶽掬涓流以益溟丕著

御論誕告汝自西自東自南自北維天順至誠之動維
聖立人倫之極仁敬慈孝以達於信交潛見躍
飛必本乎乾惕天垂其則聖合其德賢入其域
人荷其責百姓與能君子不息高矣美矣茂矣
大矣

聖之徹上下貫精一而自道所得也於是驚者橋舌悅
者服膺道氣之所布護元化之所醞蒸感以符
節之合動以志氣之壹

誠之至者如神天垂象而見吉始散稷於觀旂乍成珪

於拜席香升而雲同律和而風習釀三冬之和
渥一日之澤宵雅昌穀於禹甸春秋紀瑞於周
尺化為雨之時被為風之春積為道岸之登融
為

聖涯之淵士尚其禮耕義種而講學以耨占者曰天道
地寶而人情為田

賦

埋序

曹文植

乾隆五十年春二月丁亥

皇上親祀

孔子廟庭既徹迺

御新建之辟雍

宣示經訓橋門觀聽烏奕歡騰典至重也制至善也澤
至洽也且是日

翠輿屆臨祥雲敷布絲連滋酣瑞表盈尺仰見

至誠孚感如響斯應綏豐溥而治教昌久道化成於茲

益信焉臣倬直

內廷時沐

大聖人諄篤牖迪淪浹肌髓欽逢鉅工告蒧

鴻儀聿修又獲襄事豆邊恪侍

講幄

恩榮踰分鳧藻蹈舞矧臣兼尹

幾封杏菖望澤汜獲及時士歌於黷農朴於野

景貺嘉符誠

億萬年洪延之慶賦者古詩之流敷陳其事用宣

上德而抒下忱臣雖至愚敢不覃思竭慮冀揚圉

邇治之萬一謹拜手稽首以獻其辭曰

皇帝膺

景命光

聖緒

總創守之駿業。懋緝熙於純嘏。芸生敷與。品物姬煦。提
釐荷衛。製鼓軒舞。凡往牒未隸之陋。靡不設之
官師。建立黌序。蓋

聲教若斯之溥也。於是乎斟酌盡善。而準今以酌古焉。
伊昔蒼姬。宅鎬築豐。成均東序。上庠瞽宗。五學
竝建。中曰辟雍。盛紀乎大雅。制殊乎頖宮。此周
京之極軌。漢唐奚足以比隆。煌煌

天邑造聲金源。良禹建學溯始。至元百堵草創。圖水關焉。緬懋典而企慕者。越五百年。我

國家締構協。肅冒經緯。周埏維度。鴻規而大起。眩帝者之上儀。獨澤宮之舊制。若從容以待時。云土深而泉遠。議雖建而莫施。

皇帝奮乾斷。豁羣疑。相度規畫。亟

命有司。景鑠哉。議禮制度。考文咸備於茲。惟

聖人為能統德位而作

君師。是以卜講肆之前。蒞界六館之中位。置絜而水平。

測圭而景值。顯翼泰紫之垣。炳蔚奎壁之次。有殿翼如。

天子之居。儀坤植矩。引繩赴隅。芝栢茹莖。藻井絳疏。屋重阿以雲上。門四闢而霞舒。備哉粲爛。足以庠五室之建。而陋三雍之圖。其外則磨礧周布。闌楯重迴。虹梁互以旁逮。雲閣談其洞開。九九者松森森者槐。勢戢巍而夾塏。波澈渌而灤洄。決泂環泠泠玉漱。汪濊淵渟。沖融廣袤。詫醴泉之自達。儼盛沸之交湊。有洌者井。在左在右。轉

以輓轡。汭以瓊瓚。淪不竭之靈源。悉

上聖所指授。歲陽奮軋。律中夾鍾。乃

修上丁之吉祀。

詣

先師之閔宮。青旗葭葭。和鸞雖雖。瞻戟門而由右。

黃幄卓乎階東。

展皇儀。肅

天容。香升蕭煜。盛潔粢豐。羽籥六佾之舞。咸英九成之

聲。

體道統而昭對感

神契以德馨洋洋乎穆穆乎所謂以

聖格

聖通微於一誠也爾乃

莅雍宮

御講筵華鐘嗶嗶鼙鼓翯翯句臚傳呼藹然秩然同致

六拜之儀於兩階之前

咨爾有衆乃敷

教言夫止善者道蘊之崇槩行健者禔躬之典式維玉

音之宏宣合性類以徧德

標要道於萬古貫至誠之不息此

天亶上哲覺牖下民而示之準則也於是鄒魯濂洛之
裔措紳縫掖之徒彬彬濟濟祁祁于于曠若發
蒙喏焉若愚澄慮尋繹乃洽喜而臚愉有五百
老人翹首懷懷有東瀛陪隸崔并睢盱莫不荷
陶甄於

大道仰

盛世之涵濡普天

惠決乃徵

元符。是日也。吉雲翕其四布。祥飈鼓而揚旂。初霰集以珠貫。旋乘風以回飄。希聲脈脈。皓采漣漣。占釀化之優渥。更滲漉乎春苗。

皇猷煥昭。文德廣被。倉庾實而禮讓興。盈阜溥而弦誦肄。胥羣生以熙皞。益翔泳乎仁義。

聖天子以賢才為寶。以豐年為瑞。奚取乎平露賓連。麟遊鳳翽哉。粵稽夫靈臺之篇。有聲之詠。羲農以還。周之德稱極盛已。然而職方王制之版圖。未

若今日埏埴在宥。罔不奉命也。百男瓜瓞之蕃。
衍。未若今日五世一堂。潢源集慶也。期頤耄耄
之壽考。未若今日繩

武錫宴。後先輝映也。于紹舉趾之勤劬。未若今日

古稀天子。親行致敬也。以斯知辟雍海流。權輿於周。而

皇躬福德之隆。固負千聖百王而莫竝。是以

奎章焜耀。

鴻藻喬皇。崇

祖制。則

申泥古稽名之告誠。

繩曲說則

闢獨斷通典之荒唐。

證永平億萬之誣誕。

考岐政三老於明堂。所以納世道人心於

聖教。

錫蕃禧茂祉於無疆也。

禮成慶頒。

湛恩迤演。光天之下。咸詠蹈懋。勉曰。懿哉。

天子萬年紀開大衍。

愷布元辰引年光顯於樂辟雍。既煥教典乃

劭農以三推。

沛膏潤於塋畝。盛哉乎莫不欲獻康衢之謠而奏昭華

之琯。

詩

哈福納

聖皇炳經緯。

釀化含精純。至道決維絡。

盛治彰彌綸。

君師統作則育德期振民禮陶兼樂淑摩義還漸仁太
和普翔洽四海風胥淳

典學建園水特起鴻模新舉典稱名實敷言闡主賓

天文煥碑記

教思垂無垠

昭陽單閼歲

申命造壁池司空偕宗伯經營

詔典司呈圖定規制

頒帑勅度支開渠通瑤甃構廈標雲楣引井汲以綬挹

彼而注茲旋邱澤周匝壺石齊鱗差方圓法天地覆載同無私

乾綱統提挈

心矩精絜量復古不泥古

聖謨宣洋洋祇適守

成憲

篤恭循

舊章世承有典則揚

烈觀

耿光諄諄示

彝訓金莚鐫琳琅因事垂法戒

睿慮深且長萬年保滋大纘

緒思不忘

心法與

家法永永傳無疆

維

帝緝純嘏受祜承

天庥麟趾疊衍瑞

燕翼殫詒謀

五代協五福保極徵箕疇雲仍篤

垂裕

世德表作求

一人綏繁祉萬國欽

皇猷

絲綸下

鳳闕布濩

恩光稠馨薦嶽瀆溥

賚錫寰埏周

茲歲孟陬月繩

武者筵開醇釀浥湛露當軒

賜酌巵

展親集桐珪列爵同棘槐年高松喬侶道遠梯航來鶴
髮排鶩序肅肅躋蓬萊蕃釐集籌屋協氣融春
臺堂廉樂醕酢拜手歌康哉

卿嬭度寶閣

四庫登瑤編淵源竝津溯如海匯百川金匱石室

啟祕簡蒐羅全蜀岡界浮玉

文思敷江天湖山地有美宛委峰遙連縹緗頌天祿異

彩騰奎躔牖民

聖衷切豈惟矜鑒鉛

製記暢精義浩浩充言泉

仲陽曜鬯煦瑞靄環

金坡上丁啟

法駕噦噦鸞聲和豹尾森迤邐鵷班華振珂宮牆延
羽蓋搖颺光風多大成啟

聖殿禮器彝尊羅煜煌虞業設賁鼓昕鳴鼉肅穆仰
天儀玉帛奉莪莪古槐蔭蓊鬱向日榮繁柯

雍宮蒞宣講

聖言晰至精五倫達道廣

敬止孚光明自強表不息剛健同

天行範圍化莫過悠久化以成

立心卽立道萬世開太平美利在天下蕩蕩誰能名淵

泉更溥博其象當前呈橋門聚冠帶環聽歌頌
聲

國子監志

卷七十六

應制迎耕

宋

詩
謹序

韋謙恒

皇上御極之五十年殷仲春以辟雍落成

躬詣

文廟

釋奠

先聖遂

親臨講學自王公卿尹以逮庶僚庶士垂紳拱立莫不

歡欣踴躍仰瞻

天顏服繹

聖訓猗歟休哉。臣竊惟辟雍之制。肇始姬周。靈臺詩於
論鼓鐘。於樂辟廡。王制天子曰辟雍。釋者曰。辟
雍水旋如璧。以節觀者。又曰。辟明也。雍和也。言
所以明和天下也。自時厥後。惟兩漢諸帝間行
臨雍之禮。史臣褒美。載在簡冊。伏惟我

皇上聰明睿知。監古好古。

壽逾古稀。

萬幾兢業。猶且

念終始。典於學。自朝至日中。晷不遑暇逸。粵歲昭陽單

閣

特詔廷臣稽舊典興鉅工於太學彝倫堂之陽疏渠縹井構材隆棟建立辟雍剋期事歲至是法駕親莅重申

謨訓昭示天下萬世凡百執事暨觀禮臣士賜幣

賜宴有差方祿將之成禮適春膏之廣澍優渥霑足三農鼓舞皆由

聖天子奉若

天時篤承

嘉貺用是敘福錫福

恩綸疊沛茂祉備臻隆儀具舉尤

天人訢合千載一時之盛軌也

臣忝侍

講幄職司記注欣瞻

懋典不任歡忭謹拜手稽首而獻詩焉其辭曰

於鏐

聖清奄壹寰瀛

祖聖

宗神繼繼承承

文思廣被孔牖羣生尊

師講道敷澤膠黌我

皇繩

武濬哲文明

典學致治通集大成天之所覆地之所經星源月窟沙

度繩行沐浴

治化傾輸丹誠

聲教暨訖舞蹈昇平京師首善懿惟太學高山景行禮

器車服鼎俎鉶籩祀虔儀肅六館諸生以教以
育稍食月會功緒歲錄博習親師含淳敦樸巍
巍講舍渠渠夏屋卓哉辟雍允宜興築

天子曰咨其議壻斯經之營之不疾而速迺

召司徒迺

召司空度地飭材優餼鳩工虞衡課績般倭効功水周
於外堂居其中重樂層構四牖八窗納光激景
騫鳳遡風睽眾庠豁杳窅穹隆繞以圓池漪連
沆溶石約迴環徑深而通勿幕有孚井養不窮

歲臨旗常。月在營室。史宴三千。品備百物。

壽世壽民。海寓歡溢。越春月仲。上丁協吉。疏轂飛軫。鳴

鸞啟

蹕。朱旄雲輝。翠葆蜺拂。

駕詣禮殿。

先師祇謁。釋幣釋菜。義昭教設。

天容肅然。濟濟漆漆。

至誠感格。宮牆紹述。祀事備舉。乃

臨講筵。

典謨輝煌維

皇敷言。緝熙崇敬。行健法乾。微文闡繹。大義揭宣。
詔爾臣工。是討是論。

詔爾多士。是陶是甄。大哉

聖德。溥博淵泉。小心翼翼。

王道平平。登山卑埤。觀海知源。若合符節。道統千年上

公九命維

聖之裔。析圭擔爵。

賁延于世。四氏襲職。纓組

簡昇虎觀贊襄。鴈行趨侍百爾駿奔。恪恭將事。各修乃職。各齊乃位。凡厥庶士。成均羣萃。近

天子光。咫尺仰企。橋門環拱。雲蒸霞蔚。鉅典欣逢。廣颺鼓吹。

皇曰懋哉。惟茲宗僚。肅將儀文。襄禮庠序。恩賚有加。各予榮褒。有進講臣言。

錫宮袍。有侍從臣言。宴

天庖。伊湑惟酒。伊馨惟肴。酌以膳解。飫以醴醪。三爵油

油。廣奏雲璈。

湛恩普汜

德音孔昭。懼忻愉悅。戴

天之高。譽髦斯士。執經鼓篋。所居有舍。所習有業。大昕

鼓徵。青衿環立。雅雅魚魚。星攢雲合。

上顧而俞。以宏

獎納。

賚予宣頒。

恩波濡泐。載

眷棘闈。風簷暑急。解額加廣。茹連簪盍。凡此

曠典便蕃稠疊藝林鼓舞和氣翔洽四國于蕃傑侏兜

離重譯納賁波航岑梯觀光

鳳闕負棘虎關進旅退旅咸荷

栽培

聖人至教溥徧無私日芒所認

化雨咸滋自南自北自東自西同歸

至治奔走偕來

文教覃敷薄海恬熙夙孚邈矣侯其禕而洪維我

皇握圖御寓

曼齡延洪丕承

聖緒瓜瓞衍慶天潢懋敘

五世徵祥有秩斯祐

頒詔錫祉

德洋恩普嘉瑞備臻

鴻儀懋舉崇儒敦學右文稽古制攷成周

澤流庠序

壽考作人昭示來許鞠脰賡歌敬獻

當宁

說雍

謹序

吳省欽

乾隆五十年春二月丁亥

皇帝飭法從服禮服祇事於

文廟六奏備作神人豫和遂

詣彝倫堂更袞服實前居

臨雍處也當乾隆三十四年

上釋奠太學言臣以建置辟雍請格部議未舉四十七

年

上臨度面觀

命給少府錢率作興事。鑿池壁圓中麗穹宇。有門有橋。
古槐後蔭。役歲上冬。禮容茲日。越王公百執事。
聖賢裔姓。逮六館生徒。軒輳翔濟。迺序於
辟雍之南。候

駕臨講。敬止健行。揆符合一。稽唐虞三代而下。人主歷
年七十上者。紀年至五十者。上下千百年間。世
一遇至如

五世一廷。愉愉緝緝。昔

孔子集羣聖之成。為生民未有。

皇帝以帝王未有之聖。集帝王未有之福之成。惟是建國君民。教學首善。古辟雍之制。與夫臨雍講學之典。有是名。當有是實。卽一端而我

皇上紀綱法度。禮樂政刑之全。胥準此已。以臣弇昧利觀。

國光不揆不文。謹撰說雍一篇。拜手稽首而獻曰。古無辟雍之名。至周始置。王制天子曰辟廱。廱通作雍。辟雍者天子之學。於虞上庠。於夏東序。於殷右學。卽瞽宗。周立四代之學。合太學為五

學太學在東東膠又在辟雍之東辟雍環水天子承師問道行禮樂宣德化多就此行之其餘國子之學學禮就瞽宗學書就上庠學舞干戈羽籥就東序學樂德樂舞樂語就成均此以知太學非清廟成均非辟雍韓詩說辟者辟取有德蓋讀若聞鄭康成禮注以辟訓明以廟訓和使天下之人皆明達和諧其箋靈臺詩亦言在辟雍中感中和之氣而大戴禮曰明堂外水曰辟雍是妄以明堂辟雍為一蔡邕月令論曰取

36 其宗廟之清貌則曰清廟取其正室之貌則曰太廟取其堂則曰明堂取其四門之學則曰太學取其周水園如璧則曰辟廱是妄以廟學明堂辟廱為一。潁子容春秋釋例曰肅然清靜謂之清廟行禘祫序昭穆謂之太廟告朔行政謂之明堂行饗射養國老謂之辟廱占雲物望氛祥謂之靈臺其四門之學謂之太學總謂之宮是妄以廟學明堂辟廱靈臺為一。黷政不經人鬼雜處陋儒從而信之從而述之要之殷太學

在郊。文王之辟廡故在郊。周太學在國。武王之
辟廡故在國。在郊故曰振驚于飛于彼西。雖在
國故曰鎬京辟廡。自西自東。自南自北。無思不
服。廡或作雖。朱子曰。雖澤也。說文無雍有廡。从
广。讀若儼。象對刺高屋之形。四方有水曰邕。故
从邕。毛傳曰。辟廡水旋邱如壁。以節觀者。孔穎
達疏曰。壁體圓而內有孔。此水亦圓而內有地。
猶如壁然。此水內之地未必高於水外。正謂水
下地高。故以邱言。以水繞邱。所以節約觀者。臣

竊以以水繞邱則必以邱起宮天子有辟廂諸侯有泮宮泮宮半於天子之宮也泮亦作潁判池象潢園池象璧池之上皆當有宮西漢末治明堂辟雍光武中元立明堂辟雍靈臺三雍班固詩有辟雍湯湯之語而公玉帶所獻明堂圖亦環有水以雍訓和本融而為川之義詩來雖論語作雍意漢時靈臺亦壅水故曰三雍若雖廡皆从川以水而言當从雖以宮殿而言當从廡楊慎引水經泮水一名雩水在靈光殿東南

即魯泮宮故址泮乃水名不得以泮林為泮林
豈得以泮宮為泮宮不知古天子諸侯有澤宮
今府州縣衛學之廟曰泮宮宮前有池而
京師有廟有學無池

皇上君師統合議禮制度考文作

辟雍作

辟雍殿殿之制既立故其文从雍不从廡池圓象
德圓殿方象行方規矩之象昭焉天地之撰合
焉良以

釋奠之典數舉

臨雍之典載舉而彝倫之堂可謂之學不可謂之辟雍
今有橋有門有池與詩注王廡水之外圓如璧
者合有

殿與記所稱澤宮者合

講闡經訓丕變觀聽與白虎通所稱行禮樂宣德化者
合先舉

釋奠與記所稱天子視學祭先師先聖遂適東序者合
詩曰於論鼓鐘於樂辟廡大昕鼓徵臣庶感化

彼綴文牽義之徒。或曰辟之為言積也。積天下
之道德。雍之為言壅也。壅天下之殘敗。或曰辟
者。法之所自出。本之以為禮。靡者和之所自生。
本之以為樂。附會穿鑿。本義愈晦。惟禮統謂辟
靡。內如覆盂。外如偃盤。禮書謂辟雍。圓而函方。
陰陽之義。與圓壁之義不背。然言辟雍。不言辟
雍殿。則以知辟雍。不知古辟雍有殿。我

皇上因心作則。所傳者唐虞三代聖人之心。所行者唐
虞三代聖人之政。所議者唐虞三代聖人之禮。

創建非常洋洋堂堂懋敷

聲教仁敬孝慈信倫之所以敘也天行健君子以自彊
不息德之所以純亦不已也雖雖乎

議道自己隆禮由禮不特視漢唐陋儒專以辟雍為習
射養老處者意量固已霄壤即文王在郊之辟
廡武王在國之辟廡其淺深廣隘夫豈可同日
語哉是故元明以來數百年未舉之典至

皇上而興實則唐虞三代以來盡美未盡善之制至
皇上臨雍講學將事豫備作

辟雍卽璧旋之邱作

辟雍殿而天下萬世始知以彝倫堂為國學為太學

辟雍為

天子之學。殿取諸廣。故詩禮並从雍。漢書从雍作說雍。

雅

謹序

陳嗣龍

欽惟我

皇上文思光被。久道化成。太和之氣。翔洽萬寓。自熱河以訖新疆。凡增置郡縣之區。皆為建黉舍。設儒

國子監志

卷之六

應制進士

四

官以董勸之

仁漸義摩風動時雍於鑠乎

德教之盛為前古所未有迺復

念國學為首善之地溯元明以來五百餘年辟雍未建

名與實或不相稱也

命復古壁水之制疏沼構

殿用表規裏矩以崇範乎天下工既竣歲旃蒙之

仲春

皇上親詣

文廟釋奠。改改焉。穆穆焉。自堂至基。祭菜舞簋。衍聖公及卿尹庶司。先賢後裔。翼而從罔敢不祇肅。協氣所召。祥雲告豐。

皇上迺御辟雍殿講筵。進多士而

申訓之。闡經奧。發天苞。過矣哉。

斟元敝樞。實有未易專緒者矣。臣昔由選拔入成均。蒙恩擢寘上第。授職詞垣。茲獲偕侍從諸臣。趨陪

盛禮。既聆

聖訓。心悅誠服。莫可名言。竊惟辟雍之制。始於姬周。其

翼翼

丹殿峙於中央澄流環鏡修虹互梁

皇闕四闢泰階維平

叶

執一表正斗車運匡

四章

虞業既煥賁鏞既森樹之坊表欽哉

德音惟學海是探惟

教澤是覃於論於樂以泳以涵

五章

聖謨洋洋示以崇矩惟名與實或賓或主既斟於今亦

酌於古古不可泥

聲教四海攸同

一十章

迺

詔度支迺

詔司空俾飭厥材俾鳩厥工。範疇模載園外方中。壯我

天邑。宅我

皇風。二章

其水維何井冽是資。汲以修綆承以文螭。瑶源

東注圓折成池。淵泉時出浩乎

聖渚。三章

名數見於詩之大雅

國家版圖式廓靡遠弗屆視周詩之所稱西東南
北奚啻數十倍焉臣不揣輕陋謹擬雅三篇以
獻

皇建志經始也

上德化覃洽禮樂大備

命建辟雍以昭隆軌焉

皇建其極文治適昌我我

國學萬方之綱爰作辟雍麗于周京叶以象

敬繩

祖武服物采章惟秩惟敘億萬斯年受

天之祐

六章

右

皇建六章五章章八句一章章十二句

諏日志

聖敬也辟雍告成

上親釋奠於

大成殿昭

崇儒重道也

誦日吉亥協于上下萬用入學典紀夏正我

皇尊道

文廟展敬

叶

至德惟誠

至治惟馨

撫謙隆禮超軼前經

一章

元正

覃慶

命飭專官致祀

闕里潔薦豆籩

皇心齋肅

與命重宣觀成園水

祇謁申虔

鑾輅莅止瑞應駢聯

二章

嘉薦迺修大樂迺作工奏登歌佾舞羽籥翕如
純如聲金振玉叶和風允諧

聖容穆若

三章

輔臣分獻左右以次襄成之裔通來陪位爰自
庶尹暨百執事濟濟跄跄欽瞻

盛懿四章

昔歲己丑

國學維新

詔頒十器周范用章十維鼎維百維罍維尊壺觚爵洗
簠簋具陳輝映兩楹郁郁乎文

聖敬日躋復茲致寅五章

祭毋欲數煌煌

訓辭如建盛典必待乎時三獻之禮二仲為期每告成績

親舉崇儀維儀之崇惟

性之彌

心法治法

作君作師

六章

右諏日六章二章章十句二章章八句二章章十二句

敷言欽

聖教也

上益辟雍宣敬止健行之義為天下立道也

數言是訓

教思孔殷宣昭

御論精義入神天人以貫

輝光日新率俾多士莫不尊聞

一章

惟

聖緝熙敬德孔彰懋敦人紀

示民有常

仁敬孝慈信及萬邦叶萬邦之乎

一人之慶二章

惟

聖健行惟

天是則悠久以成至誠無息惟時惟幾孚純劭德

思日孜孜萬年立極三章

橋門雍雍冠帶肅肅奔走偕來惟

聖人樂育維禮斯陶惟樂斯淑式舞且歌無思不服四章

作人惟

皇保樂洽壽錫福無疆引年由

舊瓜瓞其繇松柏其茂

衍羨引康洪延

純佑

五章

芄芄棫樸莽莽梧桐我

皇茂對仁洽道豐

詔爾多士實用是崇勗哉

廷獻熙績亮功

六章

右

敷言六章章八句

詩

沈孫連

六合

鴻丈煥三雍

至教宣冠裳崇化地

壽考作人年首善賢關聞英才學海沿累朝黌舊設一

水壁新穿如帶波長遶非璇折亦圓中和

天子建名寶

聖人權選勝宮槐側流

恩獵碣前補元中統闕超漢永平先曹子儒風鬯春丁

祀事虔恰宜輸引使言采藻芹鮮

法駕乘時御

明禋釋奠傳環林翔

鳳蓋清蹕駐

虹旂堂定聞絲竹神真格豆籩大昕

臨校舍左制俯回泉青領觀

光切橋門望

澤使跪迎偕衆彥。

勸講發真詮。

舜日

堯天是周情孔思全。

健行符易象。

敬止繹詩箋。璧沼珠璣灑。

奎章穀璧錫。

君師瞻講幄。宴賞接耆筵。典以彝倫重。儀非饗射專。

精誠通肝鬢。

文德洽垓埏。襟佩騅聲漚。宮牆瑞霭連。臣材慚大雅。於

樂賦新篇

詩

吳省蘭

教胄典清球。奏公聽靈鼓。

祖烈開仁田。

宗功治藝圃。我

皇宏遠謨。羣生庇大宇。震旦揚芬馨。恒春藹和煦。振振

麟之趾。詵詵螽斯羽。靈椿

壽盈千。瑞芝

世次五。迺集大羅仙。共酌康衢醺。九節筇枝頌。十華錦
章吐。泰階徵祥風。成均廣

化雨。嘉名傳鎬京。

誼軌越三古。

有洌引泉井。不竭成璧池。鏡開紋潋灩。月色波
參差。紆徐遶員嶠。層折融周規。

聖涯普涵泳。

帝澤宏敷施。揚清妙鑒彼。漱潤工注茲。詞源汎洋溢。學
海含清漪。芹芳鬱藹藹。藻馥浮依依。近參頻宮

製敬讀

環水碑不改義取易於論工奏詩盈科洽洙泗石鼓文

蟠螭

有橋通輿衛有殿接星漢雲構凌日邊虹梁聳
霄半卓爾瞻文峰翼然企道岸短椀霞紛披連
杜綺璀璨奕奕卑鱣堂巍巍壓虎觀圓神三以
函方智一以貫洞達窺圖書豁衍列几案楹榜
懸

奎章禁扁勒

宸翰柱斗拔。菟峩櫺星掩炳煥。
聖域廣丕基。儒宮近高開。

上丁吉日筮

太乙齋宮虔。塵燭

鳳輦肅雪映

鸞旗妍。載薦靜呼

趨節步安佩。瑄初孫陪位至。祝史迎

神先。氤氲飛紫香。羅列排丹筵。薦醑潔酒醴。羞毛呈牲
犧。九成叶執祝。十器光豆籩。三獻禮穆穆。萬舞

儀僊僊周彝彩斑駁孔壁形蛸淵見羹典型在
含菜

精誠專

法從昭森嚴

講道標粹美與突元機參筌蹄祕旨契法脈尋胚胎神
苞漉渣滓主敬宏

緝熙積健振條理木鐸聲警聾金桴勢扶靡鹿洞沿源
流戴湖晰疑似珠盈徐庾囊玉積曹劉壘琅函
披琳球

綸言結羅綺光儀九苞鳳學富百城雉小儒歸
陶鎔諸子失涯涘

康粥典頗贅老更名已拘孝弟樹

誼教者考依

仁模翹首鶴髮垂跂足鴈杖扶班秩螭頭肅道夾龍尾
紆師師綺里集翼翼洛英趨獻議戴馮似附論
孫卿俱既沾

壽寓澤還聽

經筵謨光晶玉盤映黼藻霞錦鋪仔肩任開繼節目該

精粗四門倍鼓舞奕世長沾濡

奉璋來譽髦觀

光集翹彥雖啗梧鳳棲翩翩藻鳧戀呦呦羊鹿鳴郁郁
霧豹變鯉向芳池飛鶯遷茂林嘒于衿增鮮妍
宮節染葱蒨式

訓諧鍾音振賸聞管見鼓橐神吹噓鎔金妙冶鍊心效
葵藿傾

化沾靡蕪徧蛾術紛衷衷雀躍舞歡忭盛事揚

古稀貞符協大衍

同雲護壁府。瑞雪飄環林。瓊枝杏散彩。玉葉槐
披陰。素輝燦典籍。皓質成璚琳。飛飛六出秀。灑
灑連番深。瑤階屑紛吐。銀燭光徧臨。雲綴飛花
色。韻戛鳴珂音。霑渥霈澤溥。感召應

德歆。知時乘元化。潤物逾甘霖。祥徵樂歲兆。慶洽黎民
心。仰被油油澤。俯恤青青稔。

鷺序効肅將。鵷班荷

榮賜。趨蹌服乃勞。恪恭莅厥事。吸茗優在廷。酌醴重有
位。紀績先宸察。錄庸逮隨侍。文綺盈玉筐。華綵

曜錦筭觀聽欣偕來

頒錫寵倍至彩幣輝爛斑美鏐色精粹時雨同涵濡春

膏盡沾被並邀

天府光益勵士民志膠庠騰懽聲黉宮拜

德意

近稽宋元祐遐游漢永平未邁百王德空存三
雍名煌煌考鉅典赫赫標上京闕如洵有待展
也觀厥成清時際

仁壽寰宇覲景卿四海道德流萬國車書呈早麓楷濟

濟中沁莠菁菁

堯型煥彪蔚

舜矩增恢宏。幸窺石渠祕。嘗沐橋門榮。景從效于邁。颺
拜荷載賡。

詩

吳璣

皇帝膺圖御宇五十載。崇儒重道懋典輝。垓埏仲春上
丁大昕

親視學釋奠

先師禮成

經帷懸於樂辟雍煌煌垂鉅制溯始詩之大雅靈臺篇

特命師氏保氏考掌故迺

召太常宗伯稽陳編辦方庀材適奏將作拔書等饗工
詔發水衡錢維堂在中水更周於外榘枳梓構宇與
疏椽如輦斯飛兮如鳥斯革度室以几兮度堂
以筵緇井疏渠檻泉漾盛沸馳波跳沫中沚流
漪漣橋門四達辰居衆星共東西南北旋轉如
環連鉅工落成中外咸抃慶懋儀肇修庠黌瞻

寅虔。鐘師笙師磬師職歌奏醯人醢人鹽人掌鉶。遵百羞百醬鼎俎備品物六彝六盞簠簋供吉蠲齊。
齊皇皇

天容嚴祇敬踳踳濟濟臣鄰肅班聯。

至誠昭格千載符契合。

大聖端拱三春典儀駢聲禋迄用有成告事畢。

法駕爰詣講堂謨誥宣。

生知敏求小心恒翼翼。

典學致治王道何平平耕之種之耨之凍。

訓命如絲如綸如緯欽

陶甄窮源沂流百川注大海微顯闡幽旭日麗中天堯

舜禹湯文武紹邳治易象詩書禮樂扶貞詮

詔爾臣工義蘊廣探索

詔爾多士興蹟勤鑽研

聖王至教

君道兼師道天下同文希聖與希賢維茲

至聖之裔膺顯爵析圭剖符奕世

上賞延四氏襲職大典襄揖讓千里乘軺

渥賜霑駢闐。交戶交階虎闌。駿奔走。旅進旅退。鴈行偕。

周旋

湛恩延洪。日月臨溥徧。

閨澤覃敷。雨露濡新妍。進講之臣。司服錫絲組。侍從之
臣。內饗羅肥鮮。一爵二爵三爵。醉飽既以雅。以
南。以籥鏗鏘然。蓼蕭零露雅奏。詠湛湛。含哺鼓
腹。經筵歌便便。鬻髦斯士。肆有德有造。入學鼓
篴。晨夕鋪書。總養國子。樂德樂語。樂舞稽功。緒
五年七年九年。讀古人書。蟻術伸佔畢。近

天子光鴻立騫騰。廟頒金之。

詔槐市甫于橐。增額之。

命棘閣思競鞭。傑休兒離萬方集。

闕下梯岑航海奔。趨偕爭先重洋徼。塞諭誠以納。
賁陪臣子弟挾策而操絃。懷鉛握槩幸綴官屬。
後瞻

雲就

日環侍宮牆前。

聲教暨訖車書大一統。含生負氣

視如赤子焉凡此

榮光照認調玉燭

恩波汪濊溥博而淵泉內則九職九兩守耕鑿外則八

紘八極梁梁饒大哉

聖王超越萬萬古

曼齡篤慶嚮離以乘乾惟吾

皇聰作謀睿作聖惟吾民宅爾宅佃爾田丹甕白環雜

還煥宸極德星喬雲歲黼駢珠躔

萬年泰筴

宸懷矢疊疊

五世天潢祺福欣綿綿

丹詔十行喬皇宣綸閣蒼生億姓歡忭歌郛塵

壽世壽民肆筵而啟宴國老庶老薦脯而烹鱸藩服饘

饘耆年豫嘉會

堯階鏘鏘賡歌舒長筵於時

文治光昌徵大備

四閣之書璀璨紛丹鉛經部史部子部兼集部

文源

文津

文溯首

文淵別其色標以青赤白黑紀其數積以三萬六千

聖心嗜學更遣興學茂

宸躬斂福彌使錫福全祝

聖人多富多男多壽頌天保如山如阜如川長此
壽臧昌熾垂無極萬有千歲擊壤歡聲傳